

如蒙

賜言請寄

杭州省議會議轉  
杭州方谷園第二十九號王厲轉  
永強鎮第八國民學校  
永嘉南禪橋十全齋巷內本宅

詩

王毓英行述

大罗山人生前辞别诗

共 | 册 存 | 册 排架号

08814

不孝 立等罪孽深重不自殞滅禍延

顯考現任溫屬圖書館館長兼充甌海道公署  
諮議前任永嘉平民習藝所所長兩廣方言  
學堂正監學官前清廩貢生試用訓導雋廩  
府君痛於民國十三年二月一日上卷十句  
鐘即夏正癸亥十二月二十七日巳時壽終  
正寢距生於清咸豐壬子年八月初九日戌

清廩貢生王雋廩先生行述

先生諱毓英字雋頤浙之永嘉人也世居大羅山之東故一號大羅山人焉祖顧庵公父模齋公俱有清德先生幼而岐嶷讀書通大義不矜少慧弱冠入邑庠遂食廩餼貢成均時先生尊人已下世矣先生以筆耕贍家歷設帳於會昌鎮三溪書院及脣符鎮霞坊等處入其門者莫不虛往實歸爲一時名宿時孫徵君仲容方辦溫處學務處以振興地方教育聘先生爲贊助建築師範學校先生亦與有力焉旣而章安陳公介石充粵省兩廣方言學校校長聘先生爲學監先生在职數年校風肅然提學使胡公持獎之旋以母老不宜遠遊遂解職而歸去之日

門人攀轅挽留爭送以詩所謂穗城雪鴻集者是也北歸則主脣符鎮拱北兩等小學校教席所拔多俊材未幾改充永嘉教育會會長又未幾改充平民習藝所所長三年而經營完美積款數千會聖廟傾圮四十年來無人過問先生獨爲倡首向縣撥鉅款偕徐端甫葉子楨二君修葺之不數月而蕙事旋因六邑公推改充舊溫屬圖書館館長整理文獻蒐輯叢殘未幾而數萬牙籤琳瑯滿目其嘉惠後學夫豈淺鮮也哉以癸亥年十二月廿七日因微恙卒於家享年七十有二配婁氏生子三長立畢業於南洋陸軍講武堂且精於申韓性恬澹隱居市南不

慕榮利。次瑾畢業於江南監獄學校暨杭州法政學校。任職閩省。三瑜畢業於蘇州之種工藝學校。現居家教授小學。女四。長適永嘉周氏。已逝。次適瑞安陳氏。名同。現任福建永泰縣知事。三適永嘉潘氏。現充永泰縣公署財政科長。四適永場林氏。現充永森農林公會經理。孫三均已就學。女孫三。長適瑞安塘下陳氏。次適瑞安何氏。此先生生平之大略也。至先生之所學。則初以出身貧困。從事制藝。九踏槐黃。薦而不售。至中年以後。絕意仕進。日窺其大。大抵汎覽百氏。而歸本於孔孟。以刻苦修身為體。以忠恕待人為用。其立身廉。其處事儉。其取予義。其交友

信。其持家謹嚴。而有法度。實浸漬於程朱也。深矣。所著有繼述堂詩文集六卷。家訓二卷。自治譜略二卷。大率淺近詳明。切於實用。不為奇麗婉冶之文。以譁眾取悅。蓋純乎儒者之言也。先生為人。短小精幹。胸懷坦白。而與俗多所抵忤。永強鎮舊有端陽競渡之戲。蚩蚩之氓。憑血氣之勇。爭一時之勝負。往往釀成械鬪。死傷積野。往復尋仇。數百年來。此風未革。先生獨毅然禁阻之。地方靡然向風。非所謂盛德感人者乎。先生於地方利益。頗具熱心。如設濬河眾。維持社倉。自梅崗至永場。濬河十餘里。築橋十餘處。人皆嘖嘖稱善。蓋因微知著言。為奇中。而水利尤

其所長也。吾邑城區會昌膺符三鎮之水專恃六閘不足以資尾閘之洩。偶逢靈潦即釀水荒而蒲洲一帶地形尤低眾流所歸沛然莫禦。故埭隄易於崩決。一壞於前明正德十六年。繼壞於嘉靖三十四年。後壞於萬曆三年。上下五十四年間三爲巨浸。可謂慘矣。厥後郡守衛公承芳審度地宜。因開九湫以散其勢。垂三百年水不爲患。嘉道以後年久漸廢。迨至咸豐三年大風雷雨。洪潮交作。而蒲埭復潰。雖有地紳葉品金等毀家修築。然僅足維持無事。五十年至宣統三年夏秋之交大雨十餘日。而蒲埭又潰矣。先生目擊時艱。惕然憂之。因上條陳於大吏。以

爲欲築埭須先開湫。欲開湫勢不得不兼濬上下陡門之積淤。否則愈障愈壞。恐殫三鎮之財不足以填江河之壑。而當局者不之察。一二黨同伐異各說其說。竭先生之力。僅與葉君西垣規復牌上一湫而已。至庚申夏末秋初之候水復穿茅竹橋隄而出。三鎮六種概付淹沒。以先生先見之明而不獲一試其策。迄今斯人往矣。遺緒誰續。癥結未去。後患方深。先生有遺憾焉。先生至性仁孝。聞其當時尊人抱病醫藥無效。則割股以療之。不瘳遂棄養。時先生胞弟冰忱君亦蓄志向學。無忝先生之望。且秉性灑落。能得社會歡心。以故兩次當選爲省議會議員。見

義勇爲多所建白，難兄難弟，昔人不得專美於前矣。余與先生初相識於武林，一見如舊，垂老莫逆，尚憶昔年與舍弟訪溪，讀書話經精舍，以天時不正，鬱暑交蒸，因病而纏綿牀第者累月，稱藥量水，皆賴先生調護之力。此情此誼，未嘗一日去懷。不料青鳥使來，先生竟遽然而化。老成凋謝，天不憖遺，蓋不獨私人痛也。先生家無餘財，歿時語不及私，惟殷殷以圖書館繼續得人爲託，並預賦絕句十七章，從容而逝。非學養兼到者，曷能若斯。其生平事蹟，筆難罄述，茲僅述其崖略，以告世之君子。未知有當萬一否耶。

如弟呂渭英敬述

大羅山人生前辭別詩

生前辭別絕句 并小序

人生不過數十寒暑六十週甲七十古稀已蒙天幸每怪世人貪生惡死往往老至命窮猶復戀戀長世不肯出死語以辭逝者並有遺囑而口噤不能言者即或親朋待疾永訣而舌捲語不分明者似此哀別默默無辭何如於未死之前作將死之語從容閒暇較為曠達予見及此因作生前辭別詩共一十七絕撮其重要有難已於心者逐事分詠以盡餘情備作遺囑訃聞之用異日青鳥使來則欣然長逝矣

參贊功能本自人三才配合結前因圓虧方趾懶無用虛

節生前天地身辭別天地

銜悲風木淚歛歛一片傷心畫不如留得家園荆樹暮前

枝花謝後枝疏辭別手足

世人遺子寶黃金吾不寶金寶寸陰勸爾精勤爭日月青

箱世守慰離心辭別子孫

人窮反本悟前非任郵睦嫻心事違戚族推恩殊自歎暮

年回首轉依依辭別戚族

生平知己杳無人祇有二三結夙因握手言歡分手別他

年宿草莫傷神

辭別友朋

一別門牆地下身。逍遙曳杖此吟呻。慕張新學多邪說。斯

道勿忘孔孟真。

辭別門生

同井相耕同病憐。吾鄉水利貴當先。隄防修築或匡我。莫

遣桑田逐世遷。

辭別鄉里

甘作迂儒七十年。詩書枉讀負殘編。文明進化慚無力。青

眼高歌盼後賢。

辭別學界

世變滄桑不自天。孽由人作禍推遷。亂離此會無乾土。地

下桃源我亦仙。

辭別世界

白鹿銜花昔築城。防潮禦水並銷兵。萬年鞏固甌民福。我

後勿忘眾志成。

辭別鹿城

多少叢殘飽蠹魚。而今六邑集圖書。擴充卷軸琳瑯富。園

地休忘綠水依。

辭別園書

大小宗祠一本尊。親疏遠近敢忘恩。春秋勿替馨香祀。執

豆僮籩繼述存。

辭別宗廟

家乏先人舊。敝廬及身買宅近山居。祇愁玉謝堂前燕。莫

認夕陽巷口閭。

辭別居屋

一生迂拙舊安貧。老闢森林託隱淪。世世子孫能守業。深



山趣味屬閒人辭別

生作貧儒死亦貧辭家喪具儉歸真衣衾華美招人妬

布最宜死後身辭重

生無功德禪於人死後招人弔我身似此盜名作哀啟九

泉自問怕傷神辭開

尊孔於今七十年休將佛法度歸天生前著有心經說修

到玉樓不羨仙辭念

民國癸亥年季冬大羅山人別絕真稿

温州格本石印公司代印